

Mindeststandarde fir d'Qualitéit vun den ALTE Examen ze garantéieren

Entwécklung vum Test

1. Den Exame baséiert op engem theoretesche Konstrukt, z.B. op engem Modell vun der kommunikativer Kompetenz.
2. D'Ziler vum Examen, de Kontext, an deem en agesat gëtt an d'Persounen, un déi e sech riicht, gi beschriwwen.
3. Et gëtt Critèrë fir d'Selektioun an d'Formatioun vun de Persounen, déi d'Tester ausschaffen. Fir d'Ausschaffen an d'Revisioun vun den Examen ze kontrolléieren, ginn Experten erugezunn.
4. Parallelexame kënnen ënnerenee verglach ginn, wat hiren Inhalt ugeet, hir Koherenz, hir Stabilitéit an hir Bewäertung.
5. Wann den Exame sech op en externe Referenzsystem bezitt, z.B. den europäesche Referenzkader, kann dat och nogewise ginn.
6. All d'Examenszentren, an deenen d'Examen ofgehal ginn, ginn no klore, transparente Critèren ausgewielt.
7. D'Examensdokumenter ginn iwwer e sécheren Transportwee an engem exzellente Zoustand un déi autoriséiert Zentre verschéckt. D'Examensadministratioun suergt fir e sécheren an novollzëibaren Ëmgank mat allen Examensdokumenter a garantéiert d'Vertraulichkeet vun allen Daten a Prozeduren.
8. D'Examensadministratioun huet déi néideg technesch Mëttel, fir d'Clienten ze ënnerstëtzen (z.B. Telefon -Hotline, Internetservice).
9. D'Sécherheet an d'Vertraulichkeet vun den Examensresultater an den Diplomer an allen Daten, déi dozou gehéieren, gi garantéiert, esou wéi d'Gesetz iwwer den Dadeschutz dat virschreift. D'Kandidaten hu Recht op en Zougank zu dësen Daten a sinn doriwwer informéiert.
10. Den Examenssystem gesäit speziell Moossnahme fir behënnert Persounen vir.

Bewäertung an Notatioun

11. D'Bewäertung ass exakt, zouverlässeg an dem Objet an Zil vum Examen ugepasst.
12. Et gëtt eng Dokumentatioun an Explikatiounen iwwer d'Bewäertungscritèren, d'Methode fir d'Zouverlässegkeet ze errechen, an Informatiounen, wéi d'Qualitätsstandarde vun de Bewäerter/Correcteure vum schrëftlechen a mündlechen Ausdrock erfaasst an analyséiert ginn.

Testanalyse

13. Et ginn Donnéeën vun engem representativen Echantillon vu Kandidaten gesammelt an analyséiert, fir nozeweisen, datt hir Noten d'Resultat vun hirer Leeschtung am Examen erëmginn an net vun anere Facteuren beaflosst ginn, wéi d'Mammesprooch, d'Heemechtsland, d'Geschlecht, den Alter an d'ethnesch Zougehéieregkeet.
14. Vun engem representativen Echantillon vu Kandidaten ginn Donnéeën fir d'statistesche Analyse vum Examen gesammelt an analyséiert (z.B. fir de Schwierigkeetsgrad, d'Diskriminatioun, d'Zouverlässegkeet a Standardfeeler bei der Evaluatioun vum Examen ze ermëttelen)

Kommunikatioun mat de Bedeelegten

15. D'Examensadministratioun deelt de Kandidaten an den Examenszentren d'Examensresultater séier an an enger klorer Form mat.
16. Déi bedeelegt Parteien (Examenszentren a Kandidaten) ginn iwwert de Kontext, den Zweck an de Gebrauch vum Examen, säin Inhalt a seng allgemeng Zouverlässegkeet informéiert.
17. Déi bedeelegt Parteien kréien déi néideg Informatiounen, fir hir Resultater ze interpretéieren a se op eng adequat Manéier gebrauchen ze kënnen.